

NAQQIUT

Siunnersuut 24. april 2024-meersoq taarserpaa (Immikkoortoq 6 nuutsillugu allannguutissatullu siunnersuutip oqaaseqaatai allanngortinneqarnissaanut siunnersuut)

Napparsimasut illersuisuannik pilersitsinissamut Inatsisissatut siunnersuuteqaqqullugit Naalackersuisutpeqquneqarnissaannik Inatsisartut aalajangiiffigisassaattut siunnersuut.
(Siumut gruppi)

Akissuteqaat

(Peqqissutsimut Naalackersuisoq)

Siullermeerneqarnera

Naalackersuisut sinnerlugit Siumut gruppiat qujaffigaara napparsimasut oqaaseqartartoqalernissaanut siunnersuuteqarsimmata. Napparsimasut ilaquutaasalu sumut inatsimmut ilaatinneqarnerlutik suullu pisinnaatitaaffigineritsik paasiniallugu sumut saaffiginninnissaat qulakkeerniallugu napparsimasut illersuisuannik pilersitsiniarnermi siunertaasoq siunnersuummi allaqqavoq.

Napparsimasut qanigisaallu peqqinnissaqarfimmit sullinneqarnerannut atungassaat pitsaanerpaatinniallugu Naalackersuisut sulissuteqarput.

Peqqissutsimut suliaasaqarfimmi napparsimasut inatsisit naapertorlugit paasissutissanik siunnersorneqarnissamullu periarfissaannik qulakkeerinnittuusut neqeroorutaareerlutillu periarfissaareermata ilisimatitsissutigineqassaaq. Tassani pineqarput napparsimasunut ilitsersuisarnek, Sana Social, peqqinnissaqarfimmi naammagittaalliuteqarsinnaaneq kiisalu arlaannaannulluunniit attuumassuteqanngitsumik peqqinneq pillugu siunnersuisoqatigiinnik pilersitsinissamik suliaqarnek.

Nunatsinni Peqqinnissaqarfik 2016-imili napparsimasunut siunnersuinermik neqerooruteqartalerpoq, innuttaasunut qanittumik arlaannaannulluunniit attuumassuteqanngitsumik sullissiviusoq, napparsimasut ilaquutaasullu paasissutissanik ikiorneqarnissamillu ujartukkaminik aallerfigisinnaasaat. Napparsimasunut siunnersuisup napparsimasut qanigisaasalu peqqinnissaqarfiup iluani pisinnaatitaaffiinik ilitsersuineq siunnersuinerlu suliaasa pingaernerit ilagaat.

Napparsimasut illersuisuannik pilersitsinissaq Peqqinnissaq pillugu Ataatsimiititaliarsuarmi eqqaaneqarnikuunanilu isumaliutsissiissuttip innersuussutaasa ilaani allaqqanngilaq. Ukioq kingulleq partiinit amerlanerussuteqartunit peqqissutsimut tunngatillugu isumaqatigiissummut atatillugu qulequtaq taanna aamma ilaangilaq.

Siunnersuummi, napparsimasut illersuisuannik pilersitsinermi aningaasaqarnek utoqqaat illersuisuannut naapertuutikannissasoq kiisalu inatsisinut siunnersuutininik suliaqarnissamut A/C fuldmægtigimut ukiumut atorffimmut taggissisoqassasoq atuarneqarsinnaavoq. Oqaaseqartartut aqqissuussinernit assingusunit misilittakkat takutippaat, aningaasaqarnikkut kinguneqaatinik allanik

peqartoqarsinnaasoq aningaasaliissutit amerlineqarnerannik tatisinnaasunik, suliassaqarfinnik pineqartunik pisortat kiffartuussinerannut kissaatigisanik naammassinniartussanik.

Peqqinnissaq pillugu ataatsimiititaliarsuup innersuussutai naapertorlugit, peqqinnissaqarfiup pingaarnertut aaqqissuusaanerata ilusissaata nutaap piareersarlugu suliarineqarnera Naalackersuisut aallartissimavaat. Sulinermi tassani immikkoortoq 2-mi, innuttaasut katsorsartittullu isummersuutaat immikkoortutut qitiusutut ilanngunneqassapput, matumani innuttaasunut peqqinnissaqarfimmut attaveqartunut pitsangorsaatinik pilersitsinissaq siunertaralugu.

Napparsimasut illersuisuannik pilersitseratarsinnaanermut isumaliutersuutit, ilusiliinernut akuerineqareersunut akuerineqarumaartunullu ataqatigiisillugit isigineqartariaqarput, piffissami matumani immikkoortortaqaqarfiup assinganik akuersinissamut taarsiullugu. Tamanna katsorsartittunut ersarissuutitsinissaq pilersikkumallugu aamma sapinngisamik iluaqutaanerpaamik sulisussaqaarnikkut aningaasaqaarnikkullu nukissat tamarmiusut katsorsartittunut atorumallugit.

Napparsimasut illersuisuannik pilersitsinissaq pillugu inatsisissatut siunnersuummik suliaqarnissaq sioqqullugu aaqqissuusaanernut pilersinneqareersimasunut atatillugu, tassunga ilanngullugu illersuisut allat suliassaat, peqqinnissaqarfimmi napparsimasunik siunnersuineq kiisalu peqqissutsimut tunngatillugu naammagittaalliuteqarnissamut taarsiissuteqarnissamut aaqqissuussinerit pillugit tamakkiisumik takussutissanik pilersitsisoqarnissaa Naalackersuisunit pingaartinneqarpoq.

Tamanna tunuliaqtsiullugu Naalackersuisut allannguutissatut ima siunnersuuteqarput:

UPA 2025 sioqqullugu aaqqissuussinernut pilersinneqareersimasunut atatillugu napparsimasut illersuisuata sunik suliaqarnissaanut akisussaaffeqarnissaanullu tunngatillugu Naalackersuisut innersuussutinik saqqummiusseqqullugit peqquneqarnissaannut Inatsisartut aalajangiiffigisassaattut siunnersuut.